

Piniarneq aallaaniarnerlu pillugit Inatsisartut inatsisaata allanngortinnera pillugu Inatsisartut inatsisaat (Isertitat tamarmiusut tunngaviata, kommuninut pisinnaatitsinerup allanngortinneqarneri)

§ 1.

Piniarneq aallaaniarnerlu pillugit Inatsisartut inatsisaanni nr. 12 29. oktober 1999-imeersumi Inatsisartut inatsisaatigut nr. 11 12. november 2001-imeersukkut allanngortinneqartumi, inatsisartut inatsisaatigut nr. 9 15. april 2003-meersukkut allanngortinneqartumi makku allanngortinneqarput:

1. § 4, *imm. 2, nr. 4*, ima oqaasertalerneqassaaq:

4) piniarnermit, aallaaniarnermit aalisarnermillu isertitaqartunut isertitat tamarmiusut ikinnerpaamik 50%-iisa nalinginik, takukkilli litra a-c. Angallatit angallatip uuttuutaanut uppersarsaat naapertorlugu 210 BT-init (150 BRT-init) mikinerusut atorlugit aalisarnermit isertitat tamarmiusut piniarnermit, aallaaniarnermit aalisarnermillu isertitat tamarmiusut naatsorsuusionerqarnerannut ilanngunneqassapput.

a) Akiliisitsilluni aallaaniartitsisarneq/tammajuitsussarsiniartitsilluni aallaaniartitsineq aalisartitsisarnerlu pillugit Namminersornerullutik Oqartussat nalunaarutaat malillugu akiliisitsilluni aallaaniartitsinermik aaqquissuussinermit imaluunniit akiliisitsilluni aallaaniartitsinermut atatillugu ilisimasortatut suliffeqarnermit pisut isertitatut tamarmiusutut naatsorsorneqarneranni ilanngunneqassapput.

b) Inuussutissarsiutigalugu piniarsinnaanermut allagartat pillugit Namminersornerullutik Oqartussat nalunaarutaat malillugu takornariartitsinermut imaluunniit pinngortitami misissuinermit imaluunniit ilisimatusarnermut atatillugu sullissinernit isertitat, piniarnermit, aallaaniarnermit aalisarnermillu isertitat tamarmiusut naatsorsorneranni imaluunniit isertitat tamarmiusut tamakkerlugit naatsorsorneranni ilanngunneqassanngillat.

c) Qinikkatut pisortanillu toqqakkatut suliassaqtitaanermut aningaasarsiat imaluunniit inuussutissarsiutigalugu piniartut kattuffisa/peqatigiiffisa siulersuisuini sulinermit aningaasarsiat, piniarnermit, aallaaniarnermit aalisarnermillu isertitat tamarmiusut naatsorsornerannut imaluunniit isertitat tamarmiusut tamakkerlugit naatsorsornerannut ilanngunneqassanngillat.

2. § 4, *imm. 4*, ima:

Imm. 4. Piumasaqaatinik ukunanik immikkut akuersissuteqarnermik Naalakkersuisut nalunaaruteqarsinnaapput:

1) § 4, *imm. 2, nr. 2-4*, aamma *imm. 3*, inuk pineqartoq piffisat taaneqartut iluanni ilinniarnermik assigisaannilluunniit pissuteqartumik Kalaallit Nunaata avataaniikkallarsimappat imaluunniit

qinnuteqartup Kalaallit Nunaannut atassuteqarnera naapertorlugu naapertuuttutut isigineqarpat.

2) § 4, imm. 2, nr. 4, inunnut maannamut pingaarnertut inuussutissarsiuteqarsimanngitsunut.

3) § 4, imm. 2, nr. 4, uppersarsarseqarsinnaappat pissutsit immikkut ittut kingunerannik isertitat annertussusissaannik piunasaqaat naammassineqarsinnaasimanngitsoq.

4) § 4, imm. 2, nr. 4, inunnut aalisarnermik, piniarnermik aallaaniarnermillu inuussutissarsiornermik pingaarnertut siusinnerusukkut inuussutissarsiuteqarsimasunut.

3.

§ 6 imm. 2, ima oqaasertalerneqassaaq:

Imm. 2. imm. 1 malillugu malittarisassiornermut atatillugu kommunit aalajangiisinnaanerannik

Naalakkersuisut pisinnaatitsisinnaapput, takukkit § 4, imm. 1 aamma 2 nr. 1-4 kiisalu § 5, imm. 1 aamma 2.

§ 2

Inatsisartut inatsisaat atuutilerpoq ulloq 1. januar 2008.

Namminersornerullutik Oqartussat, ulloq 16. maj 2008

Hans Enoksen

/

Finn Karlsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

